

六八

古今筆記精華

禽獸
蟲魚



古今筆記精華錄卷二十三目錄

禽獸 蟲魚附

義虎

義犬

孝犬

義牛

烈狐

義猴

義猫

諂虎

吐火獸

狻猊

孝牛

粵之猫

瘞麟銘

飛虎

虎兒

虎依人睡

狨食猿猴

小鹿小白牛

驢牽船

騾生子

引羊

兔

貓眼定時歌

趕鼠

鼠數錢

千角鹿

小玉獅

跳兔

麒麟貓

羅江犬

香鼠

牛馬還債

驚鼠鼓

治狐妖法

齊希特

剛巴兒

禿墨忒

抵腕

貌貅

獨象

犴血

申紅

砬答

貂

掃雪

狐涎

狐一

狐二

狐三

狐蛇

馬

猪

猿

黑大蟲

白鼠

鳥獸種數

鳳皇

鳳皇身如龍

大鵬卵

桃花源二鳥

清溪鸚鵡

蛇與孔雀偶

吐壽鷄

孔雀媒

鷓鴣

收香鳥

鷓鴣

九鯉湖鷗

相思鳥

神鷹

焦山鳥

鸛負來鳥

大鳥

鴛鴦白鷗

雞一

雞二

鳥

鴈四則

燕四則

鸚鵡救主

鶴

黃鶯

鴛鴦

螞蟻墳

輸蝶免答

江子匯無蚊

祛蚊

竊蟲

水秀才

狗蚤

蛺蝶詐死

紅蝙蝠

天雨蟲

蜂君臣

蛇能人言

蛇呼妖妖

海蜘蛛

蚊大如蜻蜓

隊隊

菩薩蛇

石蛇

蛇與人比長短

黃州蛇及蜈蚣

蝴蝶占喜

閏年少蟬

除蟲呪

脈望

蝙蝠食人

大蟒

白蛇

赤蛇

炸蟊

泉州潭水鮫鱸

石魚

漢泉三魚

菩薩魚

蚊化小魚

玉泉觀魚

墨頭魚

水晶魚

楓葉魚

耍魚

海哥

假河豚

鰕龜

蟹蛻

蟹山

章巨

紅蟹殼

一蟹直一千

魚魷嬌

龍蝦

江瑤柱

居寶

金銀化魚

黃蛙敵人

古今筆記精華錄卷二十三目錄終

古今筆記精華錄卷二十三

禽獸 蟲魚附

義虎

軫石文集云辛丑春余客會稽集宋公荔裳之署齋有客談虎公因言其同鄉明經孫某嘉靖時為山西孝義知縣見義虎甚奇屬余作記縣郭外高唐孤岐諸山多虎一樵者朝行叢箐中忽失足墮虎穴兩小虎卧穴內穴如覆釜三面石齒廉利前壁稍平高丈許薛落如溜為虎逕樵踴而覺者數傍徨繞壁泣待死日落風生虎嘯踰壁入口銜生麋分飼兩小虎見樵蹲伏張爪奮搏俄巡視若有思者反以殘肉食樵入抱小虎卧樵私度虎飽朝必及昧爽虎躍而出停午復銜一鹿來飼其子仍投餒與樵樵餒甚取啖渴自飲其溺如是者彌月浸與虎狎一日小虎漸壯虎負之出樵急仰天大號大王救我須臾虎復入拳雙足俛首就樵樵騎虎騰壁上虎置樵攜子行陰崖灌莽禽鳥聲絕風獵獵從黑林生樵益急呼大王虎卻顧樵跼告曰蒙大王活我今相失懼不免他患幸終活我導我中衢我死不忘報也虎領之遂前至中衢反立視樵樵復告曰小人西關窮民也今去將不復見歸當畜一豚候大王西關三里外郵亭之下某日時過饗無忘吾言虎點頭樵泣虎亦泣迨歸家人驚訊樵語故共喜至期具豚方事宰割虎先期至不見樵竟入西關居民見之呼獵者閉關柵矛挺銳弩畢集約生擒以獻邑宰樵奔救告眾曰虎與我有大恩願公

等毋傷眾竟擒詣縣樵擊鼓大呼官怒詰樵具告前事不信樵曰請驗之如謊願受笞官親至虎所樵抱虎痛哭曰救我者大王耶虎點頭大王以赴約入關耶復點頭我為大王請命若不得願以死從大王言未訖虎淚墮地如雨觀者數千人莫不歎息官大駭趨釋之驅至亭下投以豚矯尾大嚼顧樵而去後名其亭曰義虎亭

王子曰余聞唐時有邑人鄭興者以孝義聞遂以名其縣今亭復以虎名然則山川之氣固獨鍾於此邑歟世往往以殺人之事歸獄猛獸聞義虎之說其亦知所愧哉

義犬

徐芳義犬記云丙申秋有太原客南賈還策一衛索金可五六百偶過中年縣境憇道左有少年人以挺荷犬至亦偕憇犬向客呿啞若望救者客買放之少年窺客裝重潛躡至僻處以挺搏殺之曳至小橋水中蓋以沙葦負索去犬見客死陰尾少年至其家識之却詣縣中適縣令升座衙班甚肅犬直前據地呼號若哭若訴驅之不去令曰爾何冤吾遣吏隨爾犬導隸出至客死所向水而吠隸掀葦得屍還報顧無從得賊犬亦復至號擲如故令曰若能知賊乎我且遣隸隨爾犬又出令又遣數隸尾去行二十餘里至一僻人家犬竟入逢一少年跳而噬其臂衣碎血濡隸因縛之到縣具供殺客狀問其金尚在就家取之因於橐中得小藉知其邑里姓字令乃抵少年辟而藉其橐歸庫犬復至令前吠不已令因思曰客死其家固在此橐金安屬犬吠將無是乎乃復遣隸直往太原此犬亦隨

去既至其家方知客死又知橐金無恙犬感慟客有子束裝偕隸至賊已庾死獄中令乃取橐驗而付之其犬仍尾其子至扶襯偕返還往數千里旅食肆宿與人無異論曰夫人赴幾在智觀變在忍禍起倉卒張皇震攝而不知所出智不足也不忍忿忿之心蹈義赴難而規畫疎畧志雖誠而謀卒無濟忍不足也故曰成事難使犬當少年戕客之時奮其齒牙以與賊角糜身巨挺而不之避烈矣然於客無補啣哀茹痛疾奔控籲而於賊之窟宅未能曉識縱令當事憐而聽我荒畦漫野於何索之寃雖達賊不可得也惟明有報賊之心而不驟起以駭之知縣之可訴而姑忍以候逡巡追躡以識其處賊已在吾目中而後走訴之已落吾彀中而後奮怒於一嚙而讐可得金可還太原之問可通而客之襯可以歸矣其經營細穩不必痛之遽伸而務其忠之克濟是荆軻聶政之所不能金子房豫讓諸人所不得遂而竟遂之者也豈獨狷訟公庭放走數千里外之奇且壯哉夫人孰不懷忠而遇變則渝孰不負才而應猝則亂智取其深勇取其沉以此臨天下事何弗辦焉予既悲客又甚羨客之有是犬也而勝人也

孝犬

陳鼎孝犬傳云孝犬廣東東莞縣隱士陳恭隱家牝犬也色白而尾髀四足皆黑恭隱痛父死國難矢志不進取隱居山中以吟飲自縱不與時人通此犬隨恭隱未嘗須臾離每出則犬先行數百步若以為導者遇豺狼蛇虎則亟返嚙恭隱衣袂曳之還若不使前者

恭隱悟即旋犬又隨後離數十步作大聲嗥若以為衛者以是為常夜則於廬舍前後巡且吠達旦不少休數年犬一乳五子皆壯既長恭隱分贈前後左右鄰家畜皆能司門戶不急初分之歲餘母犬日往各家視乳犬一周若訓之勤者有食乳犬輒讓母犬食乳犬既壯母犬即不往視而乳犬每早輒齊來恭隱家視母犬又數年母犬病癩瘦將死乳犬日齊來爭與母犬舐癩遂愈每至元旦五乳犬輒齊來繞母犬搖尾若為母犬賀歲狀後母犬死五乳犬皆哀號不止恭隱憫之瘞之後山五乳犬每早輒齊往瘞處號如是者數年不輟外史氏曰世之人能以酒食養父母輒自詡曰孝且有德色子曰至於犬馬皆能有養其難者敬耳覩茲五犬之慇慇其母敬矣哉嗚呼世之犬不若者眾矣

義牛

陳鼎義牛傳云義牛者宜興銅棺山農人吳孝先家水牯牛也力而有德日耕山田二十畝雖飢甚不食田中苗吳寶之令其十三歲子希年牧之希年跨牛背隨牛所之牛方食草澗邊忽一虎從牛後林中出意欲攫希年牛知之即旋身轉向虎徐行嚙草希年懼伏牛背不敢動虎見牛來且踞以俟意相近即攫牛背兒也牛將迫虎即遽奔以前猛力觸虎虎方垂涎牛背兒不及避蹶而仰偃澗中不能輟水壅浸虎首虎斃希年驅牛返白父集眾舁虎歸烹之他日孝先與鄰人王佛生爭水佛生富而暴素為鄉里所怨皆不直之而袒孝先佛生益怒率其子毆死孝先希年訟於官佛生重賂邑令反杖希年希年斃

杖下無他昆季可白寃者孝先妻周氏日號哭於牛之前且告牛曰曩幸藉汝吾兒得免果虎腹今且父子俱死於讐人矣皇天后土誰為我雪恨耶牛聞之大怒抖搜長鳴飛奔至佛生家佛生父子三人方延客歡飲牛直登其堂竟舐佛生佛生斃復舐二子二子斃客有持桿與牛鬪者皆傷鄰里趨白令令聞之怖死外史氏曰世之人子不肖父讐不能報者比比矣乃是牛竟能為吳氏報兩世殺身讐噫牛亦勇矣哉宜乎令聞之怖死也

烈狐

陳鼎烈狐傳云明未有狐幻老人狀年可六七十詣崑山葛氏欲僦其荒圃以居葛謝以無屋老人曰君第諾我勿論屋有無也葛異而諾之老人即與葛約曰我異類也與君家有夙世緣故相依耳從來請誠從者勿相擾則佩君高誼矣葛曰謹奉教乃去越數日老人投刺進謁曰從來矣既至從者數十人皆衣裳楚楚陳幣悉珠玉錦繡值數千緡葛辭之老人固讓葛然後納其幣及去達園扉即不見葛愈異之使人私問之見園內皆高堂大廈畫棟雕題儼然縉紳家也他日治酒招葛樽俎之盛幃幄之富極人間之異葛有子方弱冠風流都雅傾一邑偶過其居見一麗人年可十五六如海棠一枝輕盈欲語歸而思之不置久之遂成病且欲死父知其情走告老人以姻請老人曰恐吾輩異類不足以辱君子耳葛固請之乃許擇吉迎之奩贈以萬計既歸夫婦篤好事舅姑甚孝未幾國變亂兵入其家見婦艷欲污之婦大罵奪刀自剄而死乃一九尾狐也外史氏曰狐淫獸也

以淫媚人死於狐者不知其幾矣乃是狐竟能以節死嗚呼可與貞曰女子爭烈矣

義猴

宋曹義猴傳云建南楊子石袍告子曰吳越間有鬻髯丐子編茅為舍居於南坡嘗畜一猴教以盤鈴傀儡演於市以濟朝夕每得食與猴共雖嚴寒暑雨亦與猴俱相依為命若父子然如是者十餘年丐子老且病不能引猴入市猴每日長跪道旁乞食養之久而不變及丐子死猴乃悲痛旋繞如人子躃踊狀哀畢復長跪道旁悽聲頻首引掌乞錢不終日得錢數貫悉以繩錢入市中至棺肆不去匠果與棺仍不去伺擔者輒牽其衣裾擔者為昇棺至南坡殮丐子埋之猴復於道旁乞食以祭祭畢遍拾野之枯薪廩於墓側取向時傀儡置其上焚之廼長啼數聲自赴烈燄中死行道之人莫不驚歎而感其義爰作義猴塚

義貓

徐岳義貓記云山右富人所畜之貓形異而靈且義其睛金其爪碧其頂朱其尾黑其毛白如雪富人畜之珍甚里有貴人子見而愛之以駿馬易不與以愛妾換不與以千金購不與陷之盜破其家亦不與因攜貓逃至廣陵依於巨商家亦愛其貓百計求之不得以鴆酒毒之其貓與人不離左右鴆酒甫斟貓即傾之再斟再傾如是者三富人覺而同貓宵遁遇一故人匿於舟後渡黃河失足溺水貓見主人墮河叫呼跳號撈救不及貓亦投